

MARTINI OPITII

Lobgesang

Über den Freudenreichen Geburtstag
unsers Herren und Heylandes
Jesu Christi.

Ech bin/ O Jesu/ zwar bereitet deine Kriypen/
Vnd dich/ du süßes Kind/ mit diesen meinen Lippen
Zu preisen inniglich; gleich wie ich vormahls pflag
Mit frewd vnd lust zu thun / wann dieser hohe tag
Gewündschet kommen war. Dann kan auch auff der Erden.
Wol etwas besseres von vns erfunden werden/
Mein Heyland/ als dein Lob/ im fall in vollem Chor
Sich jederman erhebt/ schwingt seine stimm' empor/
Vnd wil nicht lester sein? wie wann im wettel auffen
Ein jeder sich bemüht vor dem gemeinen hauffen
Zu treffen auff den zweck/ sticht seinen Klepper an/
Der sieges hoffnung vol/ nicht minder als der mann/
Den Wind schier vberholt/ vnd wann er vnterweilen
Ihm auff der Ferssen nach ein ander Pferd hört eilen/
Da gischt er/ scheumt vnd schnaubt/ giebt auff den Staub niche
Reist seinen Reuter fort / vnd bringt ihn an das ziel: (viel/
So solte mir auch sein. Ach! aber ich bin kommen
Wo fug (vnd auch fast recht) zu singen ist benommen/
In diesen wilden ort/ da niemals keine gunst
Gewesen/ noch wird sein zu einer freyen Kunst: **In**
Da alle Liebe liegt/ die stimme zu erheben/ **Dacien.**
Auff art der schönen schar die vmb die Wiegen schweben
Darein man dich/ O Kind/ O grosses Kind gelegt/
Das zwar gewieget wird/ vnd doch die Welt bewegt.

B

Kein